

# T a z k i r a h

## AL-QURAN MENJADI PEMBELA PADA HARI AKHIRAT

Abu Umamah r.a. berkata : "Rasulullah SAW telah menganjurkan agar kami semua mempelajari Al-Quran, setelah itu Rasulullah SAW memberitahu kami tentang kelebihan Al-Quran."

Baginda SAW bersabda : "Pelajarilah al-Quran, di akhirat nanti dia akan datang kepada ahlinya, ketika itu orang sangat memerlukannya."

Ia akan datang dalam bentuk seindah-indahnya dan ia bertanya, "Kenalkah kamu kepadaku?" Maka orang yang pernah membaca akan menjawab : "Siapakah kamu?"

Maka al-Quran berkata : "Akulah yang kamu cintai dan kamu sanjung, kamu telah bangun malam untukku dan kamu juga pernah membacaku di waktu siang hari."

Kemudian orang yang pernah membaca al-Quran itu berkata : "Adakah kamu al-Quran?" Lalu al-Quran mengakui dan memimpin orang yang pernah membacanya pergi menghadap Allah SWT.

Orang itu kemudian diberi kerajaan di tangan kanan dan kekal di tangan kirinya, kemudian diletakkan mahkota di atas kepalanya.

Kepada kedua ayah dan ibunya yang muslim diberi perhiasan yang tidak dapat ditukar dengan dunia walau berlipat ganda, sehingga keduanya bertanya : "Dari manakah kami memperolehi ini semua, pada hal amal kami tidak sampai ini?"

Lalu dijawab : "Kamu diberi ini semua kerana anak kamu telah mempelajari Al-Qur'an."